



ЛИСЕНЬДИ Ш-це КИЗОСЬ
Мокшэрзянь ВЛКСМ-нь
обкомть и Саранскаень
горкомть газетасна

Адрессь: г. Саранск, ул. Ленина 9
 Телефон' № 1-72.

26
МАРТСТА
1936 КИЗОНЯ
35 (281) №

Лисеньди ковти 12-коть

ПАРТИЯТЪ И ПРАВИТЕЛЬСТВАТЪ РУКОВОДИТЕЛЕНЗОН МАРХТА СОВЕТСКОЙ ГРУЗИЯНЪ ДЕЛЕГАЦИЯТЪ КРЕМЛЯСА ПРИМАМАЦ

Грузияса советской властть 15 кизонь топодеманцты, мартть 19-це шистонза Кремляса ульсь примак партиятъ и правительстватъ руководителензон мархта Грузиянь делегациясь.

Примамась ушведь 4 частса и аделавсь веть 2 частса. Грузиянь представительхнень корхтамодост меле ярнай речь мархта лиссь корхтатма Молотов ялгась.

ГВАНЦЕЛАДЗЕ ЭТЕРИ ЯЛГАТЬ РЕЧЕЦ *)

Тифлисскай 3-це школань ученица-отличница

(Залсь васьфнесы бурнай овацияса). Мон азан паравал Тифлис ошень пионерхнень и идьтнень лемста, Советской Грузиянь сембе пионерхнень и идьтнень лемста минь славнай партианеконь правительстванеконь руководителензонды и башка паравал минь кельгема, родной, великай Сталиннеконди. (Сембе стайхть, овация, юватъ-кшнемат „ваш“, „ура великай Сталинтти“).

Мон ровесница Советской Грузияти (вишкя кядень цяпамат). Тяни тонафния школаса, 7-це класса. Тонафния отличница. Минь школасонок идьтнень сембеда ламосна тонафникхть цебарьста и отличница. Цебарьста и отличница тонафникхть 290 ломань, а слабайста — 34 ломатть. Слабай ученикненьди минь, отличникне, максетяма эрь пингонь лезкс. Мон, например, максонь лезкс Цецхладзе Варати, кона тяни тонафни цебарьста и лиссь инголи молихнень рядс. (Кядень цяпамат).

Минь школасонок вишкотьф социалистическый фкя-фкянь йотамась. Ученикне вятихть фкя-фкянь йотамась эсь йотковаст, а классь классть мархта вятихть фкя-фкянь йотамась тонафнемаса отличнай показателенкса. Минь школасонок тонафникхть различнай национальностень идть: грузитт, рускайхть, армянтт и еврейхть. Но минь йотковаст теснай дружба. Минь сембе эрятама и работатама спаяннаиста, минь сембе эрятама и работатама сянь инкса, штоба арамс коммунизмнь активнай строителкс. Минь сембе работатама сянь инкса, штоба арамс тяфтама кадрас, конат эрявихть минь странанеконди и конат могут мольфтемс (продолжать) Ленинонь Сталинонь великай тевсон. (Вию кядень цяпамат, „ваш“, „ура“ ивадькшнемат).

Минь школасонок сяда оцюфне арьсекшихть ни эсь будущайсон

*) Корхтай рузонь кяльса и йотфнесы эсь реченц грузинскый кяльс.

колга. Кой-конат синь эздост йорайхть арамс инженеркс, геологкс, техниккс, химиккс. Лиятне—художниккс, артистокс и ст. т. Минь ули мяльнеке арамс стама ученайкс кода Мичуринць, Шмидтсь, Павловсь, минь ули мяльнеке арамс социализмат инкса стама мужественнай борецкс, кода минь славнай стахановецонекс, конатнень воспитанцазень минь коммунистическый партианекс Сталин ялгай тонь руководствань ала. (Вию кядень цяпамат, ивадькшнемат и „ваш“, „ура“). Минь йорасаськ тянь, и минь тянь сатсаськ. Советской масторонь идьтне—нят од большевикт, а большевикне сембень сатсась сятнень, мезе синь йорайхть. Минь мирса инь цясливай цюранятне и стирьнятне, сяс мес минь эрятама тяфтама странаса, коса эряфсь весяла и радостнай и коса минь эздонк каждайти панжада кись светлай, радостнай эряфти. Тинь, минь родной и кельгома Сталиннеке, правительствась и партиась, тиесь ты счастливай и радостнай эряфть, тынкаса спасибо Теентть, Сталин ялгай, сяшка оцю спасибо, конашкава оцю минь безграничнай любовьнеке Теентть, минь родной, кельгома Сталиннеке. (Кядень цяпамат).

Тя счастливай эряфть, славнай, замечательнай родинат инкса минь аноктама максомс сембе эсь эряфонеконь, минь максетяма вал тонафнемс стая, штоба Тинь, Сталин ялгай, мярьголеде: „Отлично, идьнят“. Советской школань ученикне улихть мирса инь цебарьхне.

Шумбра улеза минь родной, кельгома Сталиннеке—минь великай родинанеконь идьсон великай другна! (Сембе стайхть. Тонафни отличница-пионерка Гвацеладзе ялгась мекольден валанза вельхневихть бурнай овацияса и ивадькшнемаса „ваш“ великай Сталинтти. Сяда меле Гвацеладзе ялгась шумбракшни кядьтте Сталин ялгать мархта и Политбюронь сембе члеттнень и правительствань члеттнень мархта).

Велькинць эряй зажиточнайста

Зубу. „Валда эряф“ колхозса Велькин ялгась 6-це кизось работай конюхокс. Сон работай честнайста и добросовестнайста. Соньдиенза кемоктасть 10 алашат, сонь алашанза цебарь упитанностьот.

Цебарьста работаманкса Велькин ялгась правлениять ширьде ульсь ламоксть казъф.

1935 кизоня Велькин ялгась семьянц мархта тись 900 трудошит и получандась 250 пуд сьора.

Велькин ялгась тяни эряй зажиточнайста. Сонь ули траксоц, вазняц, тувонза и кудонь намоненза.

Иван Гальнин.

В. М. МОЛОТОВ ЯЛГАТЬ РЕЧЕЦ

Амханагебол (Вишкста кядень цяпамат, конат йотнихть овацкикс).

Ялгай! Штоба самс тячиень шити мзярда ни ушедсь грузинскый народть творческый виензон паньчфокс-паньжемасна, Грузияти эрявсь йотамс эсь историйсонза лама веконь пачк. Ичкозьдень ичкозьдень прошлайти тушенды ты историйсь, конат пяхкотьф народть стака страданиянзон и эсь счастья, эсь будущайсинкса сонь тюреманц мархта.

Грузиянь народсь кандсь эсь лангсонза угнетениянь лама вект внешнай поработительхнень ширьдя, аделамок Россиянь оцюазоронь властть мархта. Кда пяхк ламода тыда инголе внешнай нашествияньнеди и захватчикнень угнетениянсонды ашесь синьдез грузинскый народть самостоятельности и национальнай развитиати воляц, то тыфта жа ашесь йотафтов (провалилас) синь вишкя русифицировандамасонды тяряфнемась, конань йотфнезе царизмась Грузинскый народсь афкржа нужда ныйсь и эсь странань угнетателензон—помещикнень эзда, конат фатязь инь цебарь модатьнень, и капиталистнень и оцюазоронь вастонь чиновникнень эзда.

Тяконь шовор Грузиясь сьормась эсь историйсонза внешнай и внутреннай угнетательхнень каршес народнай массатнень тюрамаса афкржа славнай страницат. Помещикнень-дворянтнень каршес революционнай крестьянскый движениятне корхтайхть тянь колга. Тифлисонь, Батумонь, Чиатуронь, Поти ошень рабочайхнень боевой выступленисна сидеста кирьнесть оцю политическый значения сембе Россияти, сембедонга пяхк ся пингть эзда ся вомок, мзярда Закавказьяса и, вассендакига Тифлисса и Бакуса рабочай движенияс арась революционнай марксизмань знамять алу, большевикнень знамясон алу. Грузинскый большевикне минь партианеконь историйнц васень ушедомас-тонзакига, сявомок ульсь сонь васеньце, рядонзон эса и пяхкоч-несть выдающай роль большевистскый идеятнень творческый развитиясост и оцюазоронь самодержавиять каршес, помещикнень и капиталть каршес революционнай тюремаса и максеть афкржа выдающай революционнай деятельть аф аныцек Грузияти и Закавказьяти, но и сембе минь странань-коньди.

Вийхнень, способностнень и талантнень касомасонды виде-сонь возможность тиевсь миньцонк аныцек революциять победонза меле, кона валхтозе властста царизмат. Эрявсь, однако, штоба 1917-це кизонь Февральскый буржуазно-демократическый революциясь шароль (переросла) Октябрьскый пролетарскый революциякс, штоба окончательно обеспечендамс минь странаньконь народонзон вийсон касомасонды и паньчфокс-паньжемасонды свободать.

Но кда Россияса Октябрьскый революциять Февральскый революци-

ять эзда явфнесазь сембец аныцек 8 кофт, то Грузияса минь ульсь марнек лия положение. Тяс минь ульсь пример сяньди, кода буржуазно-демократическый революциясь аф аныцек ашесь ту инголи, а мекеланкт, меньшевистскый властть ламос мольфтьф господстванц вельде, сон тусь фталу.

Тяс, кода и Россияса, меньшевикне ашесь буржуазнай революциянь почвать лангса, но синь лиссть аф способнайкс нльне ты революциять задачанзон пяхкодемасондыга. Синь лиссть аф способнайкс Февральскый революциять победанц народтнень виде-сонь интересонды исползовандамнцты. Колма кизонь пингя господствовандасть грузинскый меньшевикне, но сьора видихне станак и лияцть модафтома, а помещикне—эсь насиженнай вастонясост. Рабочайхне меньшевикнень пингста станак и лияцть капиталистнень шире рабстваса, кода ульсь инголе, революцияда инголе. Грузиять хозяйственной и культурнай ширьде касоманц колга эста ашель мезь и корхтамска. Большевикнень господствасон пениты Грузиясь пачкоць хозяйственной катастрофати и культурнай упадкати. Тя ниньге кржа. Большевикнень властсна пачфць тоза, што Грузияса, стая, кода мзярдонга ашель, хозяйничендасть иностраннай империалистне, васенда немецкайхне, тоса английскыйхне и синь союзниксна. Большевистскый правительхне арасть ня иностраннай империалистненьди послушнай агентуракс и тусть нльне оцюазоронь генеральт Деникинть мархта блоконь тиёмати.

Аныцек ся лезкссь, кона сась Россияса великай Октябрьскый революциять ширьде, лездсь йордамс меньшевикнень и путомс пе Грузияса синь господствовандамасон кошмарнай пингонцты. Грузинскый народть виде-сонь освобождениянц и сонь виензон марнек воляс нолдамасон ушедксонц эряви лувомс ся пингть эзда, мзярда Ленинонь руководстванц ала сяськикс лиссьф советской, большевистскый революциясь, нажечнемок минь великай странаньконь рабочай центрэнзон и Рабочаень и Сьора-видиень Якс-терь армиять лангс, 1920-це кизоня сась Закавказьяв и сяда меле Сталин ялгать сембе ширьдя лездоманц вельде макссь эрявикс лезкс грузинскый народти и суvasь (вступила) Грузияв Орджоникидзе ялгать непосредственной руководстванц ала. (Кядень цяпамат).

Тя пиньгста сявомок ушедсь Грузияса народнай хозяйствать и культурнай строительствать вишкста касомасна, ушедсь рабочайхнень и сьора-видиень массатнень материальной благосостояниясон настоящай кассмац, ушедсь странать социалистическый переделкац. Сембе, мезень колга тинь, ялгай, тяс корхтаде, азонджнесте хозяйстваса и культураса социализмань строител- (Пец 2-це лопаширеса)

Мокшэрзянь ВКП(б)-нь обкомть очередной VII-це пленумоц

Мартть 21-це шистонза кота часта илять МАССР-нь ЦИК-ть и ВКП(б)-нь обкомть заседаниянь зал-сост ушедсь работама Мокшэрзянь ВКП(б)-нь обкомть очередной VII-це пленумоц. Пленумсь примась тяфтама шинь повестка.

1. Мокшэрзянь областной партийнай организациять эзга партийнай документтнень полафтомаснон молеманц колга.

2. „Афчерноземнай полосань областнень, крайнень и республикатнень эзга колхознень организационно-хозяйственной ширде кемокстамаснон и велень хозяйствать кеподеманц колга“ СССР-нь СНК-ть и ВКП(б)-нь ЦК-ть 1935-це кизоня декабрь 19-це шистонза путфксснон пияшkodeманц молеманц колга.

Васень кизефксть колга пленумсь кулхондозя ВКП(б)-нь обкомть васень секретаренц Прусаков ялгать докладонц.

Обкомть секретаренц Прусаков ялгать докладонц коряс поениятьне

Мартть 22-це шистонза шовдавань заседаниясь

Васеньцекс обкомонь секретарь Прусаков ялгать докладонц коряс прениясь лиссь корхтама ВКП(б)-нь Слобдань райкомть секретаренц Борисов ялгась, сонь мельганза обкомонь инструкторсь Филиппов ялгась, конац ванондозе Слобдань райкомть работанц партийнай документтнень полафтомаснон колга.

Сон азозе, што кой-кона первичнай парторганизациятьнень эса лифтьфт партиять уставонц калафтома фактт. Уставсь калафневи ся, што коммунисттне аф содасазь сонь.

ВКП(б)-нь Инсарской райкомть секретаренц Белик ялгась сянь вастс, штоба азондомс кода сон машфне-

сыне сят эльбияткснень, конат нолдафт партбилетонь полафтома васеньце шитьнень эзда, сон кармась корхтама колхознень эса агротехникать колга.

— Тон азондк, кода работат обменонь тевса, — теенза ювадсть президиумста.

Тяда меле Белик ялгась кармась азондомонза кода ащи тевсь райкомса. Сонь азондоманц пияшkodeзе и критиковандазе райкомть работанц обкомонь инструкторсь Кругликов ялгась, конац азозе, што Белик ялгась калдывста содасыне парторганизацияса ломатьтнень, а сяс и сидеста ответственной работас пунтель разложившай коммунистт (Мельниковсь).

Сянь колга, што калдывста райкомсь содасыне ломатьтнень лама корхтась эсь выступлениясонза Ардатовань райкомть секретаренц Журавлев ялгась, кепотьксоньди райкомса цебярь счетса ащесь коммунистсь Лапаевсь, но сон колхозонь председателксь работамстонза тяфта срафтозе работать, што колхозникне састь партиянь райкому и корхтайхть: „урядасть эзлонк Лапаевть“. И мзярда райкомсь сяда лацкас ванозе тя коммунистуть, то теенза партбилетовок исть максса.

Строкин ялгась (Рузаевкань РК-ть секретаренц) азозе, што партбилетонь полафтома пингста савсь вальтомс партияста производстваса калдывста работаманкса коммунистт свиновхозонь парторганизацияса.

Обеденнай перерывть самс прениясь лисеньдсть корхтама Б. Березниковань райкомть секретаренц Андреев ялгась, „Эрзянь Коммуна“ газетать редактороц Звездин ялгась, Саранской мясовхозонь политотделть начальникоц Борисов ялгась, Саранской горкомть секретаренц Закит ялгась и ВКП(б)-нь обкомста Горохов ялгась.

Мартть 22-це шистонза

илядень заседаниясь

ВКП(б)-нь Темникавонь райкомть секретаренц Тихонов ялгась башка мяль шарфнесь партиянь обкомть мархта вете шинь информационной сводкань нолямасть лангс, конань эса улеза няфтьф партдокументтнень полафтома райкомтнень сембе работасна. Тя работать цебярь и калдыав ширеньза улест содафт райкомтненьди, штоба синь тонафтолезь ба райкомтнень сяньди, кода эряви сяда цебярьста работамс. Информационнай сводкачь ноляманц мархта обкомсь ламода лезды райкомтнень партийнай документонь полафтома работаснон цебярьгофтоманцы.

Зубунь райкомть секретаренц Киржайкин ялгась подробнайста азондсь нят ломатьтнень колга, конатненди атказаф партийнай документснон полафтома. Синь йоткскост улихть и разложившай и классово враждебнай элементт, но сембеда ламось пассивнайхть. Пассивнайхеньди характернайкс ащи Оськин ялгась. Тя ялгась ащезь пияшkode фкявок работа, конатнень макссезень теенза партийнай комитетсь. Сонь кучезь тонафнема, но сон лязь политически аф грамотнайкс. Тя „тонафнемадонза“ меле сон работась райкомса массовой отделонь заведующайкс и тя работать ащезе пияшkode (разволил). Тяда меле сонь назначандакшнезь райгазетати редакторкс, но и тя работаське теенза ащезь тиев. Сонь кучезь колхозу партторгкс, сон тоста ворьгоць, нльне ащезь аза тянь колга латта партиянь райкомти. Партийнай документтнень полафтомста Киржайкин ялгась кизефтезе Оськинть мзярда и коса Ленин ялгась спорясь Мартовонь мархта партиять уставонц колга. Тянь каршес Оськинць отвечась.

— Партиянь 17-це с'ездса.

— А мзярда ульсь с'ездсь? — кизефтезе Киржайкин ялгась:

— 1919-це кизоня.

— Кодама партияса тон ащат? — кизефць сяда тов. Киржайкин ялгась.

— Большевиконь рабочей партияса, — отвечась Оськинць.

Билет Оскинтти, канешна, ашеме макс, хоть и сон, Оскинць, социальной происхождениянь коряс бедняк. Тя фактьс няфнесь, што партиянь рядтнень эса улихть ломатьт, конат случайна повсть тоза, Синь не могут активнайста решандамс боевой задачатнень, конат ашихть партиять инголе коммунизмать инкса.

Мотасов ялгась (ВКП(б)-нь обкомста) азозе, што мекольдень пингть хоть и сяда цебярьгоць первичнай парторганизациятьнень эса партийнай тонафнемасть, но тя коммунистти аф сатомшка. Улихть ниньге стама коммунистт, конат йофси аф моралфихть аф газетат, аф книгат, но сянкса кудсост кирьдихть шкайхть.

Илядень заседаниясь аделавсь ВКП(б)-нь обкомонь ОРПО-нь отделть заведующаенц Котелев ялгать выступлениянц мархта, конац тийсь обширнай и содержательнай обзор районнай партийнай организациятьнень эса „партийнай хозяйствать“ ватемаса порядокти.



Ушаков Иннокентий Павлович — Саранскаонь зональной опытной станциять директороц, Саранскаонь парторганизацияса васеньцесь получаць партийнай од билет.

(Фотось Ивановть).

В. М. МОЛОТОВ ЯЛГАТЬ РЕЧЕНЦ ПЕЦ

тельствать эса тинь сатфксоньтень колга, и лама лия, мезень колга тинь изеде кенерь тя совещанияса корхтамс, корхтай сянь колга, што Грузиясь моли минь Союзонькень инголи моли советской республиканзон рядсост. Советской властсь казезе Грузиять и сон руководителензон заслугань коряс — Ленинонь орденца.

Миньдейнек ули кода мярьгомс, што Грузиясь тийф ни аф кржа, но тя нинге аньцек ушедкс, конань коряс ули кода аньцек слабай мераса корхтамс (судить) минь странасонк социализмань великай будущай строителствать колга. Грузиясь — тя миронь фкя инь счастливай уженья, конац насыщенной природнай богатстваса, и сембеда пияк важна ся, што тоса пияк лама ломаньда, конатнень талантсна пинь делдыхть Грузияса, Закавказьяса и сембе Советской Союзаса.

Грузиянь народсь лама макссь аф аньцек эсь странанцы, но и сембе Советской Союзти, конац заньци почетнай васта человечествовать историйсонза. Саты аньцек азомс, што Грузиясь максозе тейнек Сталин ялгать. (Кядень цяпамань взрыв, ламос аф лоткси орация и Сталин ялгать лемс приветственной ювадькшнемат).

Минь, большевикне, содасаськ мезе значит минь партияньконьди Сталинонь лемоц. Мзярда минь кор

хтатама партиять колга, минь мзярдонга аф юкснесаськ сонь создателенц — Ленинонь бессмертной лемоц. Но тани, мзярда партиясь ленинской тевть вятиенц руководстванц ала, Сталин ялгать руководстванц ала вишкопць гигантскай тюрема капитализмать эзда освобожденнай человечествовать великай будущаенц инкса, минь корхтамь Ленинонь — Сталинонь партияснон колга. (Вишкста кядень цяпамат, конат йотнихть овациясь, „ура!“ ювадькшнемат).

Минь Советской Союзоньке успешнайста стройт социализма. Минь странасонк социализмань строителствань оцю и йомла работатнень эса эрь аськолксса минь нийсаськ минь Сталиноньконь кшнинь воляньц и большевистскай идейнай руководстванц. (Ламос аф лоткси авация. Приветственной ювадькшнемат Сталин ялгать лемс).

Азан, ялгат, эсь колганок, руковождайш работникнень колга. Сембеда пияк минь йоратама фкя улемс тевса вернай соратниккс и помощниккс Сталин ялгати. (Вишкста кядень цяпамат).

Мярьгода тейне аделамс эсь речезень Грузиянь трудяйхеньди приветствиянь валхнень мархта.

Гаумарджос сакартвелос мшро мел халс!*) (Вишкста кядень ця-

памат. Вастста ювадькшнемат: „Шумбра улеза великай русской народсь! „Ура!“ „Шумбрат улест партиять и правительствать руководителенца“)

Шумбра улеза Ленинонь — Сталинонь великай партиясна!

Шумбра улеза Грузинскай народть великай цырац, Советской Союзонь народтнень вождьсна — Сталинць! (Вишкье ламос аф лоткси овацият Сталин ялгать лемс. Делегаттне морайхть „Интернациональ“. Вастста приветственной, ювадькшнемат).

Ялгат, тя совещаниять президиумонц порученянь коряс мон должен теентть азомс сянь колга, што минь, президиумонь члентне, сувсетяма Центральной Исполнительной Комитетти предложения мархта Грузиянь делегаттнень Советской Союзонь высшай наградаса — орденца каземаснон колга. (Вишкста кядень цяпамат).

Эняльдэтяма делегат ялгатьненьди примамс тани аф оцю подароцк правительствать эзда: эрь делегатти и делегаткати — частт и патефон пластинка мархта, а тязя представленнай эрь колхозти ули максф грузовой автомобиль. (Ламос таргави овация, ювадькшнемат: „Шумбра улеза Советской правительствасы!“ „Ура!“ ювадькшнемат).

*) Шумбрат улест Грузиянь трудяйхне!

ПАРТИЯ И ПРАВИТЕЛЬСТВО РУКОВОДИТЕЛЕМ МАРХТА КАНЬФОНЬ И ИЛНАЗОНЬ ВОДЯИ ПЕРЕДОВИКНЕНЬ СОВЕЩАНИЯСА Ледяйкин ялгась казѣф Ленинонь ордена

ССР-нь Союзть Центральной Исполнительной Комитетот примась путфкс ил-назонь и каньфонь передовиконь представительхнен Советской Союзонь ордена каземаснон колга:

Ленинонь ордена казѣф 35 ломатть, Трудовой Краснай Знамянь ордена—

46 ломатть, Знак Почетонь ордена—127 ломатть а сембоц 208 ломатть.

Ленинонь ордена казѣфнен йоткса МАССР-нь Кочкуровань районца, Крупская ялгать лемса колхозонь председателсь Федор Иванович Ледяйкин ялгась.

Кочкуровань райононь Крупская лемса колхозть председателенц Федор Иванович Ледяйкин ялгать речец

Ялгат, мярьгода теень Мокшэр-зянь автономнай республикаты и Крупская лемса колхозть эзда азомс парарьсема. Колхозникне пачфникть рабоче-крестьянской правительствати и кельгома учительконьди—Сталин ялгати пламенной привет!

Ялгат мон моньць Мордовиястон-нян и возможне, корхтамстон карман эльбядкшнema, сяс эняльдянтянь ингса монь тямьсть суденда.

Монь колхозсон ульсь каньфсь южной сортонь. Минь видеск каньфонь тя сортть 42 гектар площадь лангс и кочкаме эрь гектарста 7,1 центнерхт мушка. а государствати максоме 6,5 центнерхт эрь гектарста, али сембоц максоме государствати 273 центнерхт мушка. Минь колхозоньке государствати максф мушкнень ингса получандась ярмакса 52800 цалковайхть, да премия да 62 тьожатть цалковайхть, а сембоц 114.800 цалковайхть. Эрь гектарста продукция ингса получандаме ярмакса 2.733 цалковайхть, а средняя сямомок эрь трудошита—69 трюшникт. Сембец 42 гектархненди путфоль 9040 трудшит.

Ялгат, минь каньф видьсегяма 3 кизот. 1933 кизоня ульсь видеф 17 гектархт. Колаптольхть минь результатоньке? Результатсь кальдяволь. Минь эста видеме лов алу, лов алу апак сокак почвас, пцтай изеск инза, ня результатнень эзда 1933-це кизоня получама аныцек сорняк. 1934-це кизоня минь виде-мя 20 гектархт русской каньф. Минь получама эрь гектарста аныцек фкя центнер мушка.

Чубарь. Тоже лов алу видестъ? Ледяйкин. 1935-це кизоня колхозникне кармасть тя тевти интересоваться, сян ингса, што мушкть мишендемац арась выгоднайкс. Минь ускома гектарть лангс наземда 13 центнерхт и 3,5 центнерхт минеральной удобренияда. Колхозсь йотафцъ лов алу сокама. Видемась ульсь йотафцъ апрельть 23-це шистонза, видеск рядовой сеялкаса и ня результатнень эзда урожайсь ульсь цебарь. Минь йотафнема 2-сть кочкома. Каньфсь миньценон лиссь пяк пара. Сембе колхозникне дивандасть, кода тяфтаня; 2 кизот видьсема—мезевон ашель, а тяти каньфсь цебарь.

Оцю тормозокс ульсь тейненк



каньфонь ваяфтомась. Минь анокламе пруд, но сембе бедась ашель сян эса, што минь каньфнень вельхтаск модаса и сян мархта йом-лалгафтоск мушкть качестванц. Но сембе сянка результатне получавсь аф кальдяфт. Мзярда минь каньфнень таргаск ветть эзда, оказалось кржа вастта. И таса лиссь тяфтама тев: кона ширьденге вармась аф уфай, и каньфсь ушедсь куштама. Колхозонь председателсь мярьгсь

курсконя ускомс мушкнень, штобасонь фатальхце вармась. Минь сонь ускоск паксав. Тяда меле, аделамок работать, минь кярмодема мушкнень государствати максоме.

1936-це кизоти арьсеф видемс 70 гектархт южной сортонь каньф. Минь должеттама кеподемс урожайть. Сян ингса минь аноклама удобрения и назем.

Колхозникнень марстонь пуромкса минь арьсефк получама аф 9 центнерда кржа мушка эрь гектарста. Каньфонь урожайсь интересовандасы тяти эрь колхозникть сян-гса, што колхозниксь тя тевть коряс получахши эсь трудошинц инкса оцю доход. Кда колхозниксь тийсь сяда кржа трудошита, то сяда кржа и получай. Миньценон колхозникне получандась аныцек мушкть эзда аф 300 кржа цалковайхть, а койконат получандась и 600 цалковайхть. Тя пяк пара. Тянь мархта мон аделаса эсь выступлениязень.

Шумбра улеса рабоче-крестьян-ской правительствасы!

Шумбра улеса минь великай, кельгома ялганьке Сталин! (Кядень цяпамат).

Чубарь. Кие теентть макссь совет Мордовияв видемс южной каньф?

Ледяйкин. Тянь колга макссь совет МТС-сь.



Каньфонь и илназонь видемася передовикнень партия и правительствати руководителен мархта совещаниясост. СНИМКАСА: Западной областень передовик-ленотеребилщицатянь совещанияса.

Цебарьгофтомс комсомольской хозяйствовать состоянианц

Ельникам. Лама ульсь корхтаф-районнай конференцияса, област-ной комсомольской конференцияса комсомольской хозяйствовать кальдяв-состоянианц колга. Но сембе сян-тя пингс ня корхтаматне ашель сува башка комсомольской органи-заторхнен пряс и тя пингс башка организациатнень комсомольской хозяйствасна ащи пяк кальдяв со-стояниаса.

Кепотьксоньди ули кода сямомс Н. Р. Пошатской велень первич-ной комсомольской организациатъ. Тя организациася протоколхне уск-севичть вельсоветса, протоколхне сьормадкшневичть крандажса, ко-натнень эзда мезевон аф шарьх-колят.

Аф тяда цебарьста ащи тевсь Каньгушской первичнай организа-циясовок. Комсоргсь Сидоркинц ашель лувонда эрвиксоньди про-токолхонь сьормачнемать.

Сидоркинц нолнесь тяфтама бе-зобразият, што членской взност кочкесь комсомолещнень кядьста 5-6 ковонкса инголи.

Башка комсомольской организа-циятне и синь комсоргсна ашель занимаданкшне членской взносонь кочкамать мархта, а тя важнай, по-литической участать (лувондозь „мелоченьди“. МТС-са ингольденъ комсоргсь Шубиць сян вастс, што-ба организавандам членской взно-сонь пандомать комсомолещнень йоткса, сон сноць ашель панне взност 3-4 кофт.

Ф. Моисейкин.

Большевистская работань образец

Комсомольской „ЭШ“ 4285-це № паровозть машинистон А. Я Букин ялгась шачсь 1912 кизоня. Тран-спортса ушедсь работама 1928 ки-зот эзда сямомок. 1930 кизоня, те-енза ульсь 18 кизот, сон получаь машинистонь права и самостоятель-на ушедсь работама паровозть лангса. И сямомок 1930 кизот эзда Букин ялгась работой сян паро-возть лангса тачимс.

Цебарь работанкса сон ульсь 7-ксть казѣф. 1935 кизоня Букин ялгась казѣф Сталинской ударни-конь значекса.

Букин ялгась лама работой эсь содама шинц касфтоманц ланкса-Морафни художественной литера-тура, мекольден пингть эзда мо-рафтозе Н. Островскайт произве-дениянц „Как закалялась сталь“, М. Горькайт „Мать“ и лият.

Тяда башка сон оцю лезкс макс-си ялганзонды. Тянь вельде инголь-день кочегархне Овчинников и Илютин ялгатне путфт работама машинистонь помошникон; маши-нистонь помошникс Нефедов ял-гась—машинистокс. Стахановской декадань кода шитнень пингста шиста-шис вельф пашкодкшне-сыне выработкань норматнень, за-даниятнень. Средне суточный про-бегсь стахановской декадань кода шитнень пингста нормать коряс арьсефоль 2500 километрат, а сон макссь 4300 километрат. Техничес-кой скоростта 30 километратъ вастс, максси 36 километрат. Ком-мерческой скоростта 28 километ-ратнень вастс, максси 33 километ-рат.

Букин ялгась ащи ВЛКСМ-нь членкс, сон инь цебарь стахановец, ВЛКСМ-нь всесоюзнай 10-це с'ездть васьфнесы производственной од победаса.

КУЛХЦОНДОМС С'ЕЗДТЬ РАДИО ВЕЛЬДЕ

Мартъ 4-це шистонза Слобдаса йотафтовсь марстонь комсомоль-ской пуромкс, коса ульсь путф ки-зефкс ВЛКСМ-нь уставть од проек-тонц проработканц колга и комсо-молтъ 10-це с'ездонцты сявф обя-зательстватнень пашкодкшнema снон колга.

ВЛКСМ-нь райкомть секретарец Захаров ялгась азондозень сят сатф-кснень, конат сатфт кой-кона ком-сомольской организациатнень марх-та комсомолтъ 10-це с'ездонцты. Ке-петьксоньди сямомс Силища велень комсомольской организациатъ, коса ладс ладяф воспитательнай рабо-тась стирьнятнень йоткса. 8 стирь-

нят макссь заявленият комсомолу сувамс, 5 сь эздост примафт-ни.

Тяда башка сон лоткесь полит-тонафнемать лангс и азозе, што Слобдань районца политтонафне-мась ладяф аф прокс ладс, кепоть-ксоньди Ст. Синдроваса начальнай политшколась организоваданцаф нин-ге сьоксенда, а работой сембе пи-нгть перебой мархта.

Пренияса комсомолещне активнай-ста лисеньдсть корхтама и мак-ссестъ предложеният комсомолть работанц сяда тов ладямани колга.

Вов пара предложенияс тийсь десятилеткань студентсь—комсомо-лець Хренов ялгась. Сон корхтай:

„Мон комсомолтъ 10-це с'ездонцты максыне военно-технической эк-заменонь последний норматнень ПВХО-нь значекс, серьядкшне-сайне сямомс эздон кепетькс рай-комонь работникненди Захаровти, Котовти, Рунковати и сембе комсо-молещненди.

Тяда башка Хренов ялгась лифтсь предложения комсомолтъ 10-це с'ездонц молеманц кулхцондомс сембе комсомолещненьди радионь вельде. Тя предложеният комсо-мольской пуромксь примазе еди-ногласно.

10-це с'ездть васьфнесазь производственной од сатфксса

Рузаевкань машина кинь кондукторской резервань, товарнай группань, комсомольской группась стахановской декадань 5-те шитнень пингста няфць большевистской работань образецт. 22 комсомолецнень эзда 15 комсомолецне стахановецт и вельф пашкодкшнесазь нормаснон и заданияснон. Нат лядыкс шитнень эзда эряви ладямс тевть станя, штоба сембе комсомолецне аралхть стахановецек, лиякс азомс, тиес комсомольской группать стахановскойкс.

П. Шиндинць комсомолец, стахановец, транспорса работай 1930 кизоста сявонек. Стахановской работань методс йотась октябрь ковста 1935 кизоня. Стахановской работань методти йотамада аф лама пингта меле лифць предложения сборнай поездть мольфнемс аф колма ломанень бригадань составса, а кадомс кафта ломатът, сяс мес кафта ломанць работать мархта справятся.

Эряви азомс, што ты од тевсь сире кондукторхнень ширьде васьфтьфоль аф цебарь мяльса. Пеедкшнесть Шиндин ялгать ланкс, корхнесть „ты затеять эзда мезевон аф лиси“. Шиндин ялгась работай главнай кондукторкс, ушелозе тевсть васендакиге сонць. И инь куроконь пингста практической тевса няфтезе, и тани сувафтьф ни ты мероприятиясинь работазост. Сборнай поездонь вятни бригадась ащи кафта ломаньца.

Тяда меле стахановской декадаты пингста Шиндин ялгать инголи арась тяфтама кизефкс. Кода тиесм ба станя, штоба саф ваготтне

афольхть ащекшне фкявок лишней минута, а кодак састь станцияв, штоба сразу тульхть сортировочнай горкав.

И вов кодама ушелкс тись ты тевть сатоманць инкса. Сон корхтай: „Мон арьсень тиендемс разметкат ваготтненьди станцияв сама пачк остановкатнень лангса,—решил эрь остановкаса аф юмафтомс фкявок минута, а ты пингть эзда тиендемс ваготтненьди разметкат. Стахановской декадаты ушелдомань васеньце шитнень эзда ты тевть мон моньць проверендайне практической работаса. Ковылкинаста—Рузаевкав самста кенерень тиесм разметка. Поездсь Рузаевка станциять парксоназ ащесь аныцек 3 минутат, эста кда тядя инголе, разметкат апак тиеньтът, ты тевти йомафневсь 45-50 минутат.

Тя цебарь ушелдкть куроку сувафтозя эсь работазост стахановецне—Козловсь, Толстовсь, Крюковсь, Максимовсь. Арыкинць. Стахановской декаданиконь васеньце колма шитнень пингста кондукторхне-стахановецне мольфць 45 поезд, конатнень эса ваготтненьди тифт разметкат станцияв самста, а ты макесь возможность нят 45 поездтнень лангса сатомс экономия 60 вагоносукат.

Кода нийсаськ ты од мероприятиясь кирьди пяк оцю значения СССР-нь сембе транспортти.

Рузаевка машина кинь станцияса организовандаф семинар, коса тонафнихть сембе кондукторхне ты од тевть тонадоманць лангса.

Ив. Казарин.

Комсомолецне аф тонафнихть

Малышу велеса, Торбеюнь районца, комсомолецне и од колхозникне тядонь перьф пингть йотафтозь тевфтема, апак тонафнек, аф тонафнихть танинге.

Тя лиссь сяс, што комсоргсь Митянинць сонць ащи ширеса комсомолецнень и од ломаттнень эзда, аф вяти союзной работа комсомольской организацияса. Эряви азомс, што комсомольской организациять кальдяв работанць шири аф ваны и парторгсь Сидорова ялгась. Таниень пингс тядя нинге апак

пуроптт политшкола комсомолецненьди, хоть и можналь мумс цебарь пропагандистт колхозной партийнай организацияста. Морафтома кудсь (заведующайсь Маскайкин) вестеньге аф эрьси панжада.

Пуромихть од ломаттне колхозонь правленияв и курендакшнихть поздна вес. Тяфтак и йотни пингсь. А вдь ты положениять содасы ВЛКСМ-нь райкомське, аныцек мес бди аф варжаксинь ты первичнай организациять лангс.

Климкин.



Сочиса основноиста аделаф орденоносец писательсти—Островской ялгати кудонь строямась. Тани работайхть комнататнень потма ширьде тиесмаснон лангса.
СНИМКАСА: Островской писательсти кудонь видоц морять ширьде ваномок.



Москувонь „Мосфильм“ киностудиясь куроку нолдай экран ланге од фильма—„Партийнай билет“.

„Партийнай билет“ фильмась—ты правдивай повесть эрямать колга, кона терьди и классовой бдительность вишкптоманцы: врагсь нинге жив и сон аф улы.

СНИМКАСА: Игорь Малаев артистесь—Яшань рольса и Ада Войцник артисткась—Аннань рольса.

Канаева Надясь

Стака Надяньди летфтамс инголь день стака эряфоц. Сон шачсь ашувонь семьяса. Алянц мархта теряц ащесь лотксе оцю пека кулакнень тевснон тиендемда.

Лама пичефкс кирдсь Надясь, лама ризнама ризнась, лама вача шинясь идькс пиньгстонза. Теряц Надять пяснекшнелхне шави куду, а сонць работакшнесь кулакненьди шовдаста-шовдас.

Касомок Надя сяди ошюста, сон станяжа кармась работакшнема кулакненьди кши суском лангс.

Топодсь Надяньди 15 кизот, сонь вихца максозь урьвакс пьяница мирленьди, конань эзда кодамовок пара ащезь ний. Надясь ащезь кенерь киза эрямс мирьденц мрхта, мирьдец зверькс наругась лангсонза и Надять панезе кудстонза.

Кирьвязсь Октябрьнь толсь, лиссь Надя нужаста, кода и сембе трудяй массатне.

Полафтьс пингсь, полафтьс Надянь эряфоцка. Велева кармась йотафнема авань пуромкст. Надя фкявок пуромкс ащезь менне, а ниньге организовандакшнезень аватнень, штоба якальхть пуромксу и вятсь лия работа.

1929 кизоня Надясь васенцекусавсь колхозу, коса кармась работама добросовестнайста, фкявок прогул ащезь тиенде. Норманц сон прокс пашкодкшнезе вельф.

Сон эстакига кармась соревноваандама ялганзон мархта. Сон вачь оцю тюрема лодырьхнень каршес. Надя эсь мельганза таргазень и лияды колхозницатненьге.

Ламоксть Надя казф правлениять ширде цебарьста работаманкса.

Надясь кулемок стахановской движениять колга кулять, сонь сяди пяк кеподсь мялец удайнайста работамати и арась стахановецень васенце рядтненьди. Сон работамань заданиянц пашкодкшнезе прокс вельф 2-3 крда, а тядямста норманц пашкодкшнезе 3-4 крда.

Надясь ульсь кучф стахановецень районнай слету, коса сонь казезь цебарь казньеса.

Тани Надясь эрай чистай, уютнай квартираса. Надясь эрай культурнайста и зажиточнайста.

Надясь аф кальдявста тонафни ликпунктса.

Надясь тани вишкста тюри 7-8 миллиардт пуд сьоронкса.

Левжа веле. Рузаевкань р-н
Ани.

ОД КУЛЯ

(Мекольдень почтаста)

„Комсомолонь вайгаль“ газетать редакцияс сашендыхть сьормат. Сьормадыхть комсомолецне, комсомолкатне, юнкорхне. Сьормадыхть интереснай сьормат. Лувондыхне синь содасазь газетать страницанзон эзда. Синь нолявихть газетаса.

Но мекольдень почтасть кандсь тейнек сьорма Инсарань ВЛКСМ-нь райкомть секретаренц Молявина ялгать эзда, конань аш кода лувомс, кода мярьгихть, сельмеведень тумс апак рахак. Ты сьормать минь тядя и няфтьсаськ, штоба сонь рахалезь сембе лувихне, комсомолкатне и комсомолецне и сядонга пяк рахалезь Инсарской районца и нльня Инсарань райкомса.

Молявинась амбаскафтозень „Комсомолонь вайгаль“ газетать лувизонзон тяфтама од куляса:

„Комсомолонь вайгаль“ газетать редакциянцы. Инсарань ВЛКСМ-нь райкомсь азондсы,

што Инсарской районца аш комсомольской организацият коренной национальностень—эрзянь эзда, сяс и аш подписка „Комсомолонь вайгаль“ газетать лангс.

ВЛКСМ-нь райкомть секретарец Молявина.

Сембе. Саты. Тядя мазыста киньдиге аф азони. Тани лап шарькодеви, што Молявинась йофси афсодасы, што „Комсомолонь вайгаль“ газетась—комсомольской и ноляви мокшень кяльса мокшень комсомолкатненьди, комсомолецненьди, и од ломаттненьди, конатненьди руководителк ащи Инсарань районца Молявина ялгась.

Справка Молявинати:

Инсарань районца эрайхть мокшет.

„Комсомолонь вайгаль“ газетась лисеньди мокшекс.

Кие муворсь?

Шайгавонь средний школаса ты пиньгс аш преподавательхть: физикаса, математикаса и трудса. Тянь сюнеда и сязеньдевихть урокне. Кой-коста башка группатне тонаф-

некшнихть шити аныцек 2-3 частт. Минь кизефнесаськ РОНО-ть мзярда кучи преподавательхть средняй школав?

Свой

Отв. редакторсь Ф. С. РУСЬКИН

Уполномоченный главлито № 451. Заказ № 1234. Тираж 2480.

Саранск типография „Красный Октябрь“ Мордгиза